

散曲叢刊
第七種
汧東樂府

冊一



提要

汧東樂府二卷。明康海所撰散曲。正德八年康氏手訂。其弟浩于嘉靖三年刻之。一卷小令。二卷套數。茲將二卷內所有帶過曲數枝移在一卷之後。以嚴體例。補遺一卷。乃就陳所聞南宮詞紀內輯得者。全部並以北宮詞紀等書校過。原書正襯字分別大小。但按譜仍多未合。茲一之。康氏曲多用本色。爲元人之豪放。擺脫明初闌茸之習。有功于明代散曲作風。不少。惟有時意氣褊急。篇幅繁冗。去元人之真樸渾厚。尚有一間耳。

汴東樂府序

世恆言詩情不似曲情多。非也。古曲與詩同。自樂府作。詩與曲始岐而二矣。其實詩之變也。宋元以來。益變益異。遂有南詞北曲之分。然南詞主激越。其變也。爲流麗。北曲主慷慨。其變也。爲朴實。惟朴實故聲有矩度而難借。惟流麗故唱得宛轉而易調。此二者詞曲之定分也。予自謝事山居。客有過余者。輒以酒殽聲妓隨之。往往因其聲以稽其譜。求能稍合作始之意。益慙。蓋沿襲之久。調以傳訛。而其辭又多出于樂工市人之手。音節旣乖。假借斯謬。茲予有深惜焉。由是興之所及。亦輒有作。歲月旣久。簡帙遂繁。乃命僮子錄之。以存篋笥。題曰汴東樂府。復稍述二家爲調之本于此。知音之士。寧無感乎。正德八年。歲在癸酉。

冬十二月朔日沂東漁父自序

長興文池及亦聊言其意日理久簡判若雲天
工市人文手音較其動靜俱器效于齊氣對
蓋崇藝文之興以動其面其報又多出于樂
效韻文并其因其聲以辨其精未詳辭合其故文
曲文安公也于白橋亭山岳容有盡余音聊以配
張與而撰韻辭亦隨效皆辭於轉而長賤也二音
然亦謂此曲主刺和其變也然林實對林實好律音
變益異者有南商此曲之公然南商主懸絃其變也
其精應曲故也而二矣其實精之變也宋元以來益
世世言精韻不切曲韻參非也古曲與精同自樂辭

汧東樂府目錄

卷之一

北曲小令

正宮

醉太平

南齋漫興

八首

澣西卽事

四首

塞鴻秋

漫興

元夜

田家

雙調

沈醉東風

書懷

粹夫封事

答客

寄北山

對酒次韻

秋日即事 二首

送別

有所思

效自君之出矣

水仙子

冬日作

山居 二首

九日宴集 二首

懷友

再得直卿書作

懷漢陂子

酌酒

中秋

折桂令

賞牡丹 四首

落花

四月八日雷雨

即事 二首

苦雨

澣西別墅偶然作 四首

田家

青山

午坐

澣西小集

庚辰夏曉起臨鏡戲作

感時

殿前歡

贈友

落梅風

元夜 四首

二月晦日同張舜卿 四首

北山宅夜宴 四首 見杏花作

歎世

秋雨

有感 二首 宴集

四時行樂詞 四首 自酌 二首

清江引

四時次龍渠韻十六首

又次 六首

閨情 六首

宴集 二首

元宵 四首

酒酣作 四首

簡良弼 二首

九日 二首

田園漫興 二首

中呂

朝天子

遣興 四首

滿庭芳

自適

遣興

華山

晴望 二首

賞花

行役

贈人

勸友

沂東自飲作 四首

普天樂

田家

宴集

春思

開尊

病酒

遣懷

美人

贈別

宴集

北山

以下十首有懷十君子詞

漢陂

空同

河賓

谿田

柏齋

涇野

平泉

可泉

白坡

紅繡鞋

隱者

秋碧

雨中

道士

元夜

贈人

客次

上小樓

盛興

閑情

商調

梧葉兒

雜曲 四首

言志

得托齋書

懷蒲河

得序菴寄詩

寄歛湖

初秋

贈二士 二首

卽事

莊上四首

飄自述

夏日田居

兼帶 閱世

越調

寨兒令

小集

漫興四首

步過澣西作

寄北山子

閨情

仙呂

寄生草

田居

讀史有感二首

隱者

宴集

莊上坐望

閨情

南曲小令

醉羅歌

賞牡丹 四首

宴集 四首

畫眉序

山名同東谷小酌 四首

山坡羊

四時行樂詞 四首

風入松

寒行樂 四首

詠內丹鉛汞 四首

姝晴詠外丹爐火 四首

兼帶

雁兒落帶過得勝令

自適 二首

懷敬夫

春思 二首

宴集

飲中閑詠 二首

小梁州帶過風入松

飲酒作 四首

罵玉郎感皇恩採茶歌

丁卯卽事 二首

四塊玉罵玉郎感皇恩採茶歌

自酌 二首

南紅繡鞋兼北紅繡鞋

席上作 四首

卷之二

北曲套數

南呂

一枝花

春賞

夏賞

壽北山先生

秋興

正宮

端正好

秋興次漢陂韻

賀南川生子

仙呂

八聲甘州

中秋

秋神急

閱世

翠裙腰

九日

村裡逐鼓

大
春遊

點絳脣

東谷草堂宴集

賀壽

久雨作

中呂

粉蝶兒

書懷

閑遊

賀登科

賞杏花

題集翠樓

代友人宦邸書懷

黃鐘

醉花陰

壽日

中

越調

鬪鶴鷄

遊南山作

中秋

夏賞

北山先生席上作

送士子入試宴間有虹霓照座喜而賦

此

商調

集賢賓

行樂

雙調

新水令

山中寫懷

東谷草堂宴集

大石調

驀山溪

南曲卷之二 元夜合調

青杏子

喜雨

南曲套數

雁過聲

春遊

一封歌

寄壽寶屏先生

補遺

南曲小令

月雲高

題情

浪淘沙

閑情 二首

駐雲飛

閑情

四塊金

飲中漫興 三首

北曲套數

仙呂點絳唇

歸田述喜

雙調新水令

自壽 二套

黃鐘願成雙

述隱

南曲套數

雙調香羅帶

離思

汧東樂府目錄

汧東樂府目錄

泝東樂府卷之一

散曲叢刊第七種

明武功康海德涵撰 江都任訥中敏校訂

北曲小令

正宮

醉太平

南齋漫興

且隨時嘯歌。休信口開闔。光陰卽漸已無多。好逍遙
快活。白雲洞裏陳搏臥。紅梅影底林逋坐。碧紗窗外
小蠻過。不風流怎麼。

翠嵬嵬柳條香馥馥。花梢自歌自舞。賞良宵。喜孜孜
到曉。蝸名蠅利何須道。蜂屯蟻聚由他鬧。龍虎爭鬪
怎生教。不瞧科便了。

結茅堂對山。坐水閣觀瀾。紅塵不到這其間。甚風流

似俺蕭蕭白髮金鐘滿。依依綺座香風散。盈盈綠蟻
玉杯寒。趁光陰未晚。

喚雙娥唱者。邀北海頑些。鏡中白髮漸來。捩幾多時
歲月。秦宮漢闕黃塵接。文謨武烈金蛇掣。燕臺梁苑
暝雲遮。不受用是呆。

托乾坤至仁。沐雨露深恩。滿庭蘭玉近兒孫。似嵇山
謝門。無非無是心頭順。無榮無辱情腸俊。無拘無繫
意思新。賽羲皇上人。

列笙歌綺筵。出翡翠華軒。一觴一詠總堪憐。況鶯聲
柳邊。粉胸繡臆芙蓉面。明眸皓齒桃花扇。嬌雲嫩水
豔陽天。甚王維輞川。

坐珠簾小軒。歌白雪朱絃。呼兒展紙寫詩篇。媿才疎
思淺。吟風弄月佳無限。行眠立盹情非倦。看山玩水

興悠然。這清閑似仙。

江湖間養拙。風月裏隨邪。從他落魄與驕奢。一樁樁
記者。明窗淨几。讀書舍。輕歌妙舞。看花榭。丹崖翠壁
避塵穴。甚波吒敢惹。

楊信夫宅宴集

勸金杯玉卮。有翠袖蛾眉。葫蘆提醉了。是便宜。假惺
惺怎的。武陵源乾罷了。漁夫棹。輞川莊寂寞了。尚書
砌。磻溪岸迷漫了。伯牙磯。請先生再思。

看杯盤整齊。是慶喜筵席。六千三萬甚東西。醒時節
再吃。香風馥馥。羅珍珍味。庭闈靄靄。團雲氣。金蕤苒苒
燦花枝。喜團圓到底。

澣西卽事

許多時困苦。那里討歡娛。匆匆節序又春餘。恰歸來

此廬。雛鶯遠。遠啼深樹。修篁變變。遮茅屋。重門款款。
歇肩輿。請漁翁坐語。

看千章夏木。映萬里平蕪。南城一望。綠模糊。似王維
畫圖。有山有水。無拘束。宜歌宜舞。無憂慮。不豐不儉
好規模。請先生自覩。

翠嵬嵬碧山。綠渺渺柔瀾。半生唯有這其間。儘持杯
換盞。游絲萬縷。垂楊岸。香風十里。桃花澗。輕蓑一笛
晚雲灣。這逍遙是罕。

醉時節放歌。醒已後評跋。百年身世漸無多。且隨時
過活。澆花種竹。閑功課。烹鷄漉酒。權安樂。鋪眉扇眼
強開闔。甚名韉利鎖。

塞鴻秋

漫興

木強人怎寄絲綸。任楚狂徒易犯森嚴禁。快直心難
撒腌臢。啞着實行。豈管嶢崎讖。貴賤百年身。榮辱須
與恁。不伏波有甚明珠譖。

元夜

風光喜值嘉平世。疎慵自愛漁樵計。今宵不減蘭亭
記。多君況乃青雲器。樂轉鳳凰歌。燈轉芙蓉戲。剔團
圓明月懸天際。

田家

行藏數尺黃花徑。生涯幾樹甜仁杏。勳庸一首滄浪
詠。風流半曲天仙令。豐歉總由天。苦樂誰非命。蠅頭
微利何須掙。

雙調

沈醉東風

書懷

三萬日時間過了。十八班不必提着。抖擻起泛海心。
撇罷了平蠻燾。綠陰中瓦盎村醪。倦倚青岑一曲簫。
也做個山翁醉倒。

粹夫封事

五百載天生尚父。二十年人笑風胡。把經綸宇宙心。
早斡轉乾坤。疏向丹墀。剴切宣敷。聖主春回萬物蘇。
怕甚麼淮西未撫。

答客

國史院咱曾視草。姦和正不必提着。文書上恁樣來。
條款裏佞般造。畫葫蘆難減分毫。但把丹心自繫牢。
管甚麼零煎細炒。

寄北山

茅屋底微吟。既可瓦盆邊沈醉。如何太平時。閑散人疾溜中。掩牘。貨是和。非逝水驚波。布襖芒鞋。且過活。倩萬縷山雲伴我。

對酒次韻

望翠巘頻移坐榻。愛微風半幘巾紗。呼僮將綠蟻斟。做伴把白雲迓。小槽空不用喧譁。但典春衣向酒家。這便是劉生大雅。

秋日卽事

秋水共長天一色。澹雲和衰草齊回。闌珊了白苧思。歡賞盡黃花態。歎人生易似浮埃。昨日青春不再來。却怎的胡歪數載。

斗酒釀無勞再買。一花穠不必重開。聽遙岑過雁聲。起少日浮名怪。問王喬此際何哉。三疊秋風萬古哀。

那里也乘桴泛海。

送別

折柳郵亭獨喚。傷心雁影長途。千金合浦珠。萬戶麟臺祿。怎愁的風雨郊墟。若到長安早寄書。者莫惹青樓伴侶。

有所思

今夜淒涼有幾。閑時笑語和誰。分明座裏親。陡殺行間背。望天涯有信難回。月冷菰蒲曙鳥飛。兀自把闌干悶倚。

效自君之出矣

掃萬里龍沙未返。怨深閨蛾尾空灣。泣相思柳未勻。待好會梅須綻。隔魂臺水水山山。也要尋君到玉關。路比天涯近遠。

水仙子

冬日作

凍雲催雪起山腰。衰草迎風萬兔毫。茅簷醉舞山妻笑。這光陰容易老。歎黃公空損清標。絕謝了蒲輪駕。結識上瓠子瓢。何限逍遙。

山居

一溪流水一重山。萬縷雲烟萬頃灘。四時花柳佳無限。許東君隨意揀。小蒲團不夠三間。石鼎黃鷄饌。青籬紫芋欄。又何須畫戟朱轡。

小橋西岸野人家。十里垂楊數畝瓜。春來惝恍出王維畫。那般兒不俊殺。燦疏籬幾點桃花。門對青山下。園圍綠水涯。窗屯翠竹丹霞。

九日宴集

謝家昆弟總能詩。九日同來引玉卮。風流足滿千年事。又何論去路時。灑珠璣多少新詞。一字字形容着胸次。一行行包藏着意思。一篇篇摹寫着根枝。

百年三萬六千番。屈指年來半已刪。功名倒底俱虛幻。歎光陰容易晚。好將息努力加餐。榮辱人間有。清風振古難。好追隨綠水青山。

懷友

舊時知己幾人存。此日飄零獨此身。西風又報黃花信。越思量越愴神。見如今玉碎花分。奏賦長楊殿。吟詩五柳村。怎生能尊酒論文。

再得直卿書作

秋風又遍故人書。讀了重增萬歎吁。平生氣魄人人懼。論文章我怎如。竄蠻夷誰訴公車。滇水相思處。空

堂獨坐餘。淚雨如珠。

懷漢陂子

與君真是死生交。義氣才情世怎學。南山結屋無人到。那風流依舊好。載珠讒空自曉曉。李杜詩篇篇妙。鍾王書字字高。無福難消。

酌酒

論疎狂端的是我疎狂。論智量還誰如我智量。細尋思往事皆虛誑。險些兒落後我醉春風五柳莊。漢日英雄唐時豪傑。問他每今在何方。好的反的一箇箇盡攬入漁歌樵唱。強的弱的亂紛紛都埋在西郊北邙。歌的舞的受用者休負了水色山光。

中秋

碧空如洗晚雲消。素魄當秋桂影遙。瑤階沸耳笙歌

開。喜今宵人更好。且休提氣爽天高。擁繡榻人如玉。
映雕梁舞正嬌。坐銀牀醉影醺陶。

折桂令

賞牡丹

喜重逢舜日堯年。民物熙熙。瑞應翩翩。園苑花開。烟
霞客至。絃管聲嬌。瑪瑙寒金波放淺。胭脂濕朱露猶
懸。花朵娟娟。人語諠諠。花壓闌干。人醉亭軒。
歎流年易似奔濤。滯酒看花。擊鼓鳴璫。休說秦宮。莫
嗟漢闕。且對吳揉。酒醉時勦勦睡倒。花開也日日來
着。且盡今宵。莫道明朝。誰是英雄。誰是漁樵。
問先生載酒何之。鱸稼春天。醉酒花時。春色清和。酒
波潏灩。花影參差。數不盡姚黃魏紫。聽不了燕子鶯
兒。醉然吟髭。笑折花枝。醉舞婆娑。笑語逶迤。

得安閑便是神仙。數頃黃雲。一塌青氈。酒釀花穠。相逢不飲。老去空憐。白雪歌。秦姬和阮。彩雲飛。趙女留鈿。花似堆胭。酒似流泉。才了今年。又有明年。

落花

恨東風落盡紅蕖。賞未移時。早又如斯。可歎人生。謾看花朵。笑撚吟髭。歲月長行。如快駛。酒杯濃。暫息閑思。歌有新詞。舞有嬌姿。趁此良辰。受用便宜。

四月八日雷雨

小庭閑。何處風雷。驀地推來。剗地翻回。想天公願與人違。麥已抽。何勞水德。夏才初。顧逞鸞威。意緒摧頽。物理虛恢。斷送了萬頃黃雲。甚支吾萬盞新醅。

卽事

歎流光易去難來。昨日春歸。今日花開。氣序侵凌。韶

華荏苒。節物經該。楊柳岸春風不改。牡丹亭夜月何
哉。都事傷懷。感舊憐才。一曲秦箏萬盞吳醅。

坐名園。日日開尊。萬朶夭桃。一抹紅雲。又何須沽酒
前村。吟詩別院。問柳閒門。食櫺兒花邊放穩。玉人兒
扇底歌新。這箇乾坤。恁樣心神。愛煞劉伶。笑殺田文。

苦雨

坐南軒。細雨如篩。倦引瑤觥。怎步蒼苔。看了他實不
不去了。重來。雲黯淡。青山失色。霧冥蒙。好興先裁。意
緒難捱。詩酒空開。萬里泥途。三徑何哉。

澣西別墅偶然作

喜新來萬事無干。屋遶蒼波。戶面青山。未識朝昏。安
知榮辱。豈論炎寒。有酒啊山甌。細攪。無殺時園。韭隨
拔。不問尊翻。不計更闌。籍削麒麟。夢覺邯鄲。

結茅廬正對山尖。烟遶雲圍。翠擁紅粘。野叟山翁。雞濁酒。木几毛氈。舞鶴鳩桑榆未晚。笑烟波組紱空淹。欸乃聲。厭蘆荻風恬。細倒青尊。謾對明蟾。

自歸來無惱無嫌。半幅烟蓑。滿架牙籤。白社詩清。蒼波鱸美。綠野萼甜。愛睡起柴門尚掩。喜行遊官籍難鉗。早也霑霑。晚也霑霑。受用足赤脚蓬頭。將息箇皓首蒼髯。

憶蓬萊奏賦前年。不揣庸愚。豈係迍邐。髻首窮經。丹心奉日。白壁成愆。語句狂合。遭罪謹。性情真。索免擠。掀行止。雖天暗。想終冤。本是箇借劍君游。浪做了依。依宗元。

田家

正春風布穀聲喧。雪霽東臯。潤足西田。穉子鞭牛。老

一珍做宋版印
妻牽索。犁斷寒烟。福分小。蔓菁飯軟。意思甜盃水心。
便豐稔。隨天勤苦當先。禾黍秋郊。金玉華軒。

青山

喜東風。又送春來。翠滿蒼山。青滿平臺。嫩柳抽金。鳴
泉噴玉。子笋分釵。霞彩明千峯。弄色雨雲消。一帶如
揩。不動風飄。不見塵埃。佳景無邊。好酒當開。

午坐

醉餘酥。午夢初回。獨坐空堂。幾許清陪。汲水烹茶。呼
兒課字。謝客停盃。晝景長光中。玉晷篆烟微。香裊朱
幃。舊草重批。往事閑追。意暢情怡。利寢名灰。

澣西小集

小桃開。園苑閑遊。笑覩妖紅。滿引金甌。花落花開。人
生人老。恰便似雲去雲留。只不如喚雙娥舞翠袖時。

來勸酒。遮莫且招逸客。泛蘭舟。興到狂謳。交錯觥籌。脫謝憂愁。夢境嬉嬉。心緒悠悠。

庚辰夏曉起臨鏡戲作

笑新來兩鬢生花。載酒看山。樂趣無涯。逐日價稚子牽衣。小姬押酒。老嫗烹茶。有的是雪案間。慣相陪的。壺觴尊罍。又無甚仕途中。歪廝攘的。恐懼波查。這樣歡洽。倒底堪誇。黑也由他。白也由他。

感時

歎流光易去難來。衣紫腰金。于我何哉。有酒須斟。有花須賞。有穴須裁。者莫你究天人。公車獻策。盡都是串皮膚。左道胡歪。寄與英才。不索疑猜。好相陪濁酒黃鷄。道甚的。閨苑蓬萊。

殿前歡

贈友

布衣交。二十年。風雨舊漁樵。黃鷄濁酒蘆蓆幕。興遠
心豪。家貧賣寶刀。事去辭形誥。日晚收綸釣。重來故
壘。再醉新醪。

落梅風

元夜

春雲淡。月色昏。坐空齋。雪餘風潤。若嫦娥肯饒。春幾
分。向朱簾。且收寒暈。

尊中酒。物外身。是和。非向。咱休論。三五月。華埋凍雲。
況區區。幾莖衰鬢。

人情諳。世態知。是非。場怎誇。精細。往古豪華誰記的。
都不如。倚闌沉醉。

桑榆境。遲暮年。金谷園。到今誰見。青娥勸杯休放淺。

好消磨。這回歌扇。

二月晦日同張舜卿

春雲暝。夜靄霏。燦銀燈管絃如沸。香醪滿斟人醉矣。
任花前幕天席地。

年雖邁。興未闌。喚青娥淺杯輕泛。倩東風且休將花
片殘。怕春歸又生悲歎。

鬢眉改。情性存。對青尊便生風韻。眼根前笑談都是
春。有閑愁怎能親近。

端端舞小小歌。照腔兒暗中填和。舊知音幸逢着君
共我。不風流好時乾錯。

北山宅夜宴

今宵宴勝去年。寶釵濃玉杯香。濺笙歌可人明月圓。
繞朱闌翠鈿金串。

花前飲。柳外歌。放陽春彩雲飛過。風光這回誰似我。
醉憑着玉肩歸臥。

懨懨醉。款款吟。愛中庭月明花蔭。酒杯到君須痛飲。
半生過苦忙因甚。

新來看鏡裏容。更添些脚高頭重。便贏得位三公。祿
萬鍾。不風流。要他何用。

見杏花作

香風細。素蕊團。小園中粉嬌胭暗。想東風要拚人好
看。玉蝴蝶滿天撩亂。

歎世

田園富。門第高。好沒生把人羅噪。木團衫後稍兒直
掛了腦。這才是賞功勞錦衣花帽。

秋雨

微微灑。漸漸狂。助秋山。萬溪波漲。兩三日。米薪俱見。妨。知他那別離人。甚娘情況。

有感

蒹葭水。楊柳風。想人生。好如秋夢。草離離。遍遮秦漢宮。利和名。算來何用。張良智。范蠡謀。都不如。賈生詞賦。響當當。美傳千萬古。有姦諛。怎生廝妒。

宴集

天光永。淑氣催。對清尊。怎生不醉。按梁州。低舞人未回。畫闌邊。鳥聲如碎。

四時行樂詞

燒銀燭。泛紫霞。沉醉在海棠亭下。想人生。好如亭下花。怎支吾。雨狂風乍。

槐陰轉。枕簟涼。夢初回。午風亭上。荷芰風過。滿座香
廝。湊出許多清況。

黃鷄嫩。紫蟹肥。可人的。暮秋天氣。濁酒數卮。人醉矣。
怕黃花帶將秋去。

尖風至。玉雪飛。裊金爐。紫檀香細。下朱簾。酒酣人似
泥。問何如。灞橋驢背。

自酌

清秋景。白玉樓。鴈聲還。暑回涼又。嬌滴滴。玉人兒來
勸酒。共圓成好風晴晝。

生前恨。眼底愁。告先生。且都收後。清冷冷。一尊兒桑
落酒。受用些水明山秀。

清江引

四時次龍渠韻十六首

何處月明吹鳳管。飄渺春雲散。韋娘金縷衣。仙侶雕
胡飯。舊日風流心較懶。

花柳滿天春自管。院宇香風散。閑呼小小歌。悶對鶯
鶯飯。醉臥蒼苔人喚懶。

飛盡紅英春不管。花底鶯聲散。遊絲亂點衣。舞絮輕
沾飯。柳外小車人去懶。

醉倚斜陽閑照管。柳驪鴉黃散。纖歌動晚筵。細茗催
昏飯。深院月來人睡懶。

小閣納涼紈扇管。雨灑荷珠散。敲冰飲蔗漿。切藕抄
雲飯。簾捲薰風詩興懶。

槐影參差風細管。酷暑欣微散。香蒲泛玉盃。角黍團
珍飯。坐對湖山眠去懶。

水殿虛簾明月管。寶瑟歌聲散。銀盤瑪瑙漿。玉梳青

精飯。柳外綵舟歸棹懶。

檻外葵榴新恨管。枕簟涼雲散。徘徊笑倚闌。迤邐愁
拈飯。午夢不成吟思懶。

雨過涼生荷墜管。滿座清風散。閑聽鶯囀林。笑覩魚
吞飯。縱飲篔簹筒開卷懶。

月底轆轤樓外管。吹的炎蒸散。開簾納晚涼。洗盞麾
餘飯。小簟雲屏清夢懶。

三徑黃花吾主管。瀟灑天香散。把酒對龍山。倚杖看
蜂飯。笑倚東籬歸興懶。

萬頃霜華催弱管。極目彤雲散。雪煮竹爐茶。雲炊雕
盤飯。坐擁貂裘乘興懶。

載酒登高橫玉管。一派蕭韶散。閒思落帽文。慢掩蒸
沙飯。誰解參軍心數懶。

橋外六花驢背管。肯使吟情散。奚奴曉問梅。逆旅昏
炊飯。笑撚吟髭歸去懶。
簷外酒旗風力管。滿地瓊花散。都拚党進杯。誰顧袁
安飯。高臥南窗非是懶。
樓上落梅吹戍管。人自瑤池散。閑憑翡翠鬟。厭吃羊
羔飯。暖對獸爐臨眺懶。

又次六首

自去自來誰顧管。笑覩蜂衙散。千金越女歌。一炊吳
粳飯。醉臥東山歸去懶。
半世交遊慚鮑管。眼底皆星散。歌殘隴上吟。笑殺桑
門飯。角里先生非是懶。
身外閑愁都不管。蟻陣由他散。常尋小快活。怕惹閑
茶飯。夢覺南柯心更懶。

事到頭來誰照管。好把豪華散。數椽安樂窩。一飽家
常飯。百尺竿頭心力懶。

世事紛紛休去管。生死雲屯散。昨宵燕市歌。今日鴻
門飯。怪底巖陵垂釣懶。

錦里先生斑竹管。一掃烟雲散。堪抄梁父吟。怕領天
廚飯。起草明光魂夢懶。

閨情六首

萬種春愁情繫管。好夢烏啼散。三春郎未來。鎮日誰
曾飯。悶倚粧樓梳掠懶。

一寸芳心春盡管。生怕花飛散。因追往日歡。減却新
來飯。春自繁華君自懶。

兩葉眉兒離恨管。奈可難排散。金甌茉莉茶。碧椀茶
蘼飯。對案不餐非是懶。

柳外佳人樓上管。過舞香風散。瓜切水晶盤。筯冷雲
英飯。深夜不歸非醉懶。
舊日風流君自管。人去風流散。臨牀羞掩奩。閣筯慵
拈飯。盡日綠窗針線懶。
便坐危闌橫鳳管。怎把閑愁散。難回徹骨思。怕嚙連
針飯。口要罵郎心又懶。

宴集

怪殺鄰家雞唱早。肯負知音妙。吟間玉盞催。簾外瓊
花鬧。把一箇老先生沉醉了。
月底篝燈歸未早。丰韻般般妙。傳杯笑語喧。破舞笙
歌鬧。越趨的東方明透了。

元宵

此夜月明雲蔽了。且遣笙歌鬧。雕盤篆影遲。綺座燈

光照開簾謾歌直到曉

世爵堂前香霧繞。共喜天親到。殷懃三兩杯。迤邐千般妙。人世風流如此少。

花燈滿庭光照眼。莫恨歸來晚。常將慷慨心。永謝蹉跎宦。一日須傾三萬盞。

穉子階前爭戲火。老我當階座。婆娑看舞榭。悠雅聽傳樂。盛日風光真個闊。

酒酣作

濟西主人非是懶。世事都經慣。十年紫鳳城。一夢黃梁飯。快抽頭閉門還是晚。

濟西主人非是慵。世事如春夢。千金燕子樓。百尺華清棟。那里也都着狐兔冗。

濟西主人新夢醒。試語黃花聽。前年虎背遊。今日泉

頭詠何處費心何處省。

澣西主人非懵懂。富貴知無用。淮陰汗馬功。磐谷泉石詠。問你個那蝸兒沒懼悚。

簡良弼

澣西主人親煮茗。爲請湯陰令。三秋春已過。莫負黃花興。澣西好來同眺騁。連朝草堂人過少。寄語山翁道。風寒白藕花。露冷青蘿幕。撚指光陰都過了。

九日

今年又逢九月九。細把黃花嗅。黃花歲歲開。人老何曾幼。少日風流今在否。

流年算來三十七。折盡英雄氣。難收張禹頭。未就朱雲義。死林侵醉模糊因甚的。

田園漫興

山林間笑談誰是侶。釣叟並樵父。羞稱漢與秦。肯論榮和辱。興來時自歌。還自舞。

歲序推移人易老。夢覺邯鄲道。花枝照眼紅。酒伴隨心約。何事憂煎何事惱。

中呂

朝天子

遣興

結廬掛車。尋個安身處。園中花果沼中魚。足滿山林趣。或酒或茶。無憂無慮。悶了吟詩句。叱迂愛竿。不著已隨他去。

杖藜步畦。不作功名計。青山綠水遶柴扉。日與兒曹戲。問柳尋花。談天說地。無一事縈胸臆。醜妻布衣。自

有天然味。

舊年浪纏。姦自把時光騙。文章雖是中青錢。何似窮
居善。薄利虛名。驚雷掣電。三千迴。怎到晚。賴天幸原
不受用。空愚訕。

二毛漸饒。始省歸來妙。功名富貴豈吾薄。多少嶢岐
道。抱蔓拖枝。連真帶草。篋落了全凶暴。耍著笑著也
效個蘇門嘯。

滿庭芳

自適

金波玉斗。旣無拘繫。不飲何求。天長晝永佳時候。日
暖風柔。舞鷓鴣。寧嫌老醜。詠滄浪。自覺風流。君知否。
前程路陡。休去覓封侯。

遣興

栽花種柳。生涯如此。勞碌何羞。數年前曾待金門漏。膽顛心愁。時運乖難消世口。路岐多偏惹閑尤。性格兒原。紕繆得休且休。怎負五湖遊。

華山

名山自好。三峯俱俊。四望都高。分明雲氣涵靈灑。瀑響簫韶。玉女池光搖天表。仙人掌翠捧丹霄。小可的如何到。十洲三島。望似酒杯饒。

晴望

天空霧掃。雲恬雨散。水漲波潮。園林一帶青如掉。山色周遭。點玉池新荷乍小。照丹霄晴日初高。兩件兒休支調。鷄肥酒好。宜醉澣西郊。

賞花

紅深翠淺。茶蘼著葉。楊柳含烟。山光綽約如凝靛。堪

賞堪憐。貰酒去前村未遠。抱琴來斜日猶懸。徐徐勸
吟詩和選。人似畫中仙。

行役

千山萬水。飢餐渴飲。力倦心悲。陰晴險阻誰拘忌。棄
子拋妻。睡正酣鄰鷄喚起。步難移前路催擠。二字名
和利。傷今念昔。恨殺子規啼。

贈人

冰清玉潔。人間志士。眼底英傑。能文能武能風月。不
比其別。在陋巷單瓢樂也。傲王侯列鼎誰邪。相逢夜
胸襟試寫。經史幾千車。

勸友

規模要廣。可因容易。看做尋常。此些小小休輕放。自
有高强。雲雨晴終非玩賞。觀瞻係難恣疎狂。曾思想。

南來北往。恐阻後途長。

泝東自飲作

君門謝寵。幽林卜築。茅舍潛蹤。牙章紫綬難陪奉。質本疎庸。界道泉金噴玉涌。當門岫翠裊烟濃。好鳥風前弄。看山杖筇。人在畫圖中。

西溪問圃。南山漫興。北海攜壺。無榮無辱閑人物。趣遠心疎。旋打魚呼僮旋煮。行成詩課子行書。醉了忘歸路。便便舞舞。不怕執金吾。

前村貰酒。烹鷄割韭。對景臨流。身體輕健誰能夠。正好優遊。開小池篝泉種藕。坐平沙博塞傳甌。時序清明後。花香客有。不醉又何求。

奔濤赴海。一間茅屋。萬點蒼苔。詩書未滿窮酸債。怎可胡歪。漫興詩耕餘細檢。粗豪氣去了還來。管甚麼

黃蘗菜情舒意解。不說玳筵排。

普天樂

田家

雨初晴。雲還布。烟村隱顯。臯陸模糊。跨蹇驢。尋前路。
映畝縱橫耕耜處。一樁樁。怎許支吾。畦邊培土。灘頭
晾罟。門外修渠。

元夜

賞元宵。開簾幙。花燈燦爛。星月婆娑。一派歌。千人和。
玉斝金卮非常個。醉歸時。扶有雙娥。衣羅笑脫。釵金
謾裹。明日如何。

春思

草萋迷。人何個。粧慚金粉。興寢笙歌。燕子樓。蓮花幕。
細雨殘燈愁難過。恨東君。忒殺情薄。芙蓉露底。鶯花

隊裏甚處情多。

開尊

酒初熟。桃方破。呼朋喚友。命色徵歌。月有陰。花無那。
淺淺輕輕。休空過。興來時起舞。皤皤。金門玉珂。蘭堂
畫閣。便待如何。

病酒

忒疏狂。無辭遜。一時唯唯。終日昏昏。露半身。蓬雙鬢。
浴水吞茶。無遭頓。又何知。飯軟羹新。蟬鳴耳根。天旋
眼底。身坐車輪。

遣懷

笑新來。能舒肆。尋幽弔古。酌酒吟詩。梁棟材。經綸志。
羽斷輪摧。無一事。半牀書。結果家貲。陽山餓子。龍門
太史。總是吾師。

美人

淡梳粧。天然俊。秋橫眼角。人是天孫。翡翠巢。鶯花陣。
一刻千金誰慳吝。賺多情。不敢逡巡。筵開玉尊。絃調
玉軫。唱過行雲。

贈別

小橋邊。垂楊下。輕歌玉樹。輕撥琵琶。酒半酣。車初駕。
鳳髓龍肝如嚼蠟。霎時間。海角天涯。夕陽暮鴉。西風
去馬。無限嗟呀。

宴集

露花寒。金波細。青山若洗。黃葉初飛。列綺筵。陳嘉會。
品竹彈絲圍珠翠。不消閑。老大空悲。秋光漸微。年華
待委。暖律將回。

戊辰冬。予以憂歸。同逐諸君子。每有贈慰。

于子聞有旅寄殊方者。或涉中途相弔。交契既深。誼分並洽。暇日追惟其意。撰此曲十首。命曰有懷十君子詞。饒字待校

北山

草堂深。人孤坐。同誰眺賞。且自吟哦。黃鳥來。青梅大。烟水晴嵐當門錯。恨經年未得相過。新來好麼。碧桃較可。康兆如何。

漢陂

數年來。賓朋散。紛紛心事。杳杳雲山。笑語疏。追遊憚。細雨西風情無限。坐黃昏。淚點空彈。隆中興闋。城南事晚。汶上誰還。

空同

見來書。知心緒。風波尚險。將就何如。萬里途。千江路。

孤影脩脩無依處。那些三個待詔公車。春風舞雩。東華
細雨。不索躊躇。

河賓

柳絲髯。芙蓉面。三春未接。一念長懸。步玉堂。朝金殿。
並轡聯鑣。情無倦。柰別來。調改朱絃。青門灌園。南村
跨蹇。異地同天。

谿田

聖賢徒。羲文緒。關西鳳羽。世上真儒。水遶門。山圍戶。
此是先生讀書處。二十年待價沽諸。驪龍抱珠。枯田
望雨。試看何如。

柏齋

近才知。心如沸。于公豈有。在古堪悲。別駕亭。文明世。
憂國憂民誰能契。聖民君竟想臯夔。龍岡那壁。磻溪

這里天意收拾。

涇野

思如泉。心如鍊。千人器宇。絕代豪賢。對御筵。陳清獻。義膽忠肝。天應見。見稱當年策士。臨軒西風信。偃東華。路遠常是淒然。

平泉

出羣才。風流個人如美玉。思若長河。情性疎襟。懷大富貴榮華。浮雲過不隄防。又入風波。雖黃奈何。天涯歎我。夢境由他。

可泉

自別來。書頻寄。潼川刺史。金榜餘魁。病奈何。心空繫。漢水巴山。如天際。幾千重烟。遶雲迷。揚雄好奇。曹植賦七。眼底原稀。

白坡

少年人。文章士。千機瑞錦。萬首新詩。題柱心。凌雲思。便是相如。還難似。數年來。夢杳心咨。西堂醉時。南郊去始。無限相思。

紅繡鞋

隱者

識世味。烟霞遁迹。曉人情。山水藏機。半間茅屋。遶疎籬。寬敞敞。紅塵路。香馥馥。紫羅衣。老先生。不覷的。

秋碧

撲翠色。秋山如靛。涌寒波。秋水連天。西風黃葉。滿秋川。秋喚起。天邊鴈。秋折盡。水中蓮。秋添出。階下蘚。

雨中

會踏蹬樵夫前路。解淹留。遊子歸途。二春花柳。半支

吾芍藥闌邊醉。鶯燕個中娛。兩般兒都告阻。

道士

伏虎降龍人物。驅雷攝電功夫。白雲深處小蓬壺。掃
徑燒松子。滴露點陰符。跨黃鶴朝玉府。

宴集

百歲韶華將半。數年心事都拚。興來時隨意列杯盤。
門前山隱隱。溪上水漫漫。飲香醪俱要滿。

贈人

筆底文瀾如瀚匣中寶劍光寒。十年流落草茅間。三
月桃花浪。萬丈碧天關。取功名如掌反。

客次

細雨江村孤店。梅花紙帳茅簷。困來一枕睡何甜。絮
叨叨寒蛩亂。冷冷曉風纖。鬢邊霜容易染。

上小樓

盛興

東籬逝矣。南村誰繼。摘葉拈枝。尋花鬪草。總費心機。得意時自有奇。天然一氣對癡人。怎生廝議。

閑情

金閨視草。蘇門獨嘯。自有風流。自存形迹。自占孤高。破布袍。缺齒鋏。新來知道。都不如葫蘆提倚闌。一覺商調。

梧葉兒

雜曲

幾十日春常媚。不多時花再濃。粗布襖竹方筇。好共反隨緣過。凶和暴耐志兒容。長嘯倚空同。那個是疾流退勇。

荷初細。柳正黃。深院坐胡床。青梅瘦。碧椀涼。水雲鄉。
受用些。蘭橈畫舫。山如畫。柳勝烟。隨處總堪憐。攜壺坐。倚醉眠。思超然。
閑快活。蓬萊地仙。千畦藥。半頃芝。四韻五言詩。麒麟殿。鸚鵡后。憶當時。
發不把先生說死。

言志

得罷時。連忙罷。得休時。趁早休。逝水自東流。也不要
直如綫。也不要曲似鈎。也不要傲王侯。有酒啊邀來
便走。

得托齋書

凌雲思。霖雨才。何日下予懷。空相過。莫浪猜。寄書來。
會有日尊傾北海。

懷蒲河
英雄士撥禱人。共領杏園春。相如病賈傅。文要相親。
除有來生是准。

得序菴寄詩

知章韻。太白才。瑞錦爲誰裁。殷勤意。感慨懷。近年來。
故舊何人似乃。

寄敬湖

千株柳。十里花。文字大方家。青蓮舫。玉貌媧。撥琵琶。
單把先生醉傻。

初秋

金風細。暑氣微。高柳倦鶯啼。開冰簟。凭玉肌。睡如泥。
夢魂兒直敢到羲皇那壁。

贈二士

連城玉照乘珠。才調更誰如。登金榜。掛紫魚。但須臾。
快不要拈雲鬪雨。

藍袍舊。白髮新。豪邁振千人。安邦志。報主身。待風雲。
管取青霄步穩。

卽事

鴛鴦被。玳瑁釵。堪趁可憎才。清秋夜。玉雪齋。少人來。
受用足花香月色。

莊上

雙溪水。四面山。人勝畫中看。開新釀。舞翠鬟。到更殘。
有甚麼名牽利結。
千鍾祿。一品官。眉上幾曾寬。蒹葭月。首蓓盤。兩三般。
是。多少。心紆意款。

蒲團小。木几牢。睡字兒好輪著。春分酒。夏至桃。與誰

學。越越把山翁醉了。
花闌密。草徑滑。池水奏鳴蛙。歌金縷。泛紫霞。正堪誇。
又走向溪兒那答。

自述

年雖未。鬢已星。身事漸無成。經綸興。簪組情。也曾評。
到底是蜃樓畫餅。

夏日田居

閑庭小院宇深。花鳥共知音。桃如盞。柳似金。趁閑心。
日日科頭恣飲。

閱世

非真懦。豈詐憨。世事故難諳。驚人論。詘座談。總虛攬。
蹊落了心悲意慘。

越調

寨兒令

小集

開小軒。列華筵。歌歌舞舞聊自憐。海水桑田。萬歲千年。都是脫空言。嗅春風。芍藥闌邊。戲秋千。翡翠亭前。名姬秦氏女。佳客漢陰賢。看便是活神仙。

漫興

眼謾睽。事如何。失脚的古人先已多。趙竄廉頗。漢繫蕭何。惹病伏波。歪揣的儘會儂。英雄的反受蹉。跼子陵隨釣艇。角里隱山阿。訶。怎生得平地裏惹風波。

乘蹇驢。眺延墟。青山映門水遶除。卸了金魚。遂却閑居。日日醉壺醕。想粗豪曾隘匡廬。見汚名有似蝦蛆。便功勳留琰琬。索結果入桑榆。吁。發負了養生書。

雖是窮煞英雄。長嘯一聲。天地空。祿享千鍾。位至三公。半霎過簷風。馬兒上纜。會崢嶸。局兒裏。早被牢籠。青山排戶闥。綠樹繞垣墉。風瀟灑。月明中。南畝田。北溪園。荷鋤帶蓑心自便。晚照晴原。翠竹鳴泉。隨處儘堪憐。喜山妻釀酒能甜。愛癡兒誦曲成篇。也何須紅袖舞。也不索大官筵。仙快樂。任年年。

步過澣西作

知己稀。鱸鱸肥。獨酌淺斟花塢裏。啜了紅梅。看了茶蘼。對景意遲遲。草堂低。渭浦烟迷。柳絲長。遠樹鶯啼。新詩酬和少。芳徑共行誰。嘆寂寞。杖藜歸。

寄北山子

結小庵。北山南。鳴泉噴珠清遶巖。虎窟龍潭。烟樹晴嵐。詩酒個中參。論真誠。曾鎮貪婪。道功名。切陋安咸。

布袍雖自窄。茅舍儘容嗒。語不惹載珠。讓。

閨情

秋雨頻。別離新。兩樁兒。湊成多病身。縱對青尊。但搵羅巾。無語自傷神。繡幃中。那日溫存。畫闌邊。此際黃昏。磳可可。甘自保。密匝匝。有誰分。嗔錯認了薄情人。

仙呂

寄生草

田居

秋風細。暑氣微。芒鞋竹杖溪邊憩。青松翠竹門前蔽。鳴鶯語燕林間戲。蒼波且釣錦鱗魚。紅塵休惹黃琮珮。

讀史有感

天應醉地豈迷。青霄白日風雷厲。昌時盛世好腴蔽。

忠臣孝子難存立。朱雲未斬佞人頭。襮衡休使英雄氣。
千株柳。二頃田。疎狂果遂男兒願。功名怕入麒麟殿。
糟糠且耐這窮酸面。披頭跣足有餘歡。吟風弄月情何倦。

隱者

嚴夫子。邵故侯。黃麻不向金門受。青山甘守窮閨竇。
芒鞋竹笠閑將就。風雲任取笑談生。逍遙那許凡庸扣。

宴集

醅香糯。品玉簫。春風喜透芙蓉幕。仙歌更稱桃花貌。
追遊不減蘭亭樂。千金一刻要人消。一呼百諾何足道。

莊上坐望

山居好。景物幽。竹籬茅舍新修構。柳絲花朵交迤逗。
黃鷄濁酒權消受。閑時做作悶時謳。今朝快樂明朝
又。

閨情

眉尖恨。眼角愁。前春未了今春又。黃昏漸到燈昏後。
桃花更比梅花瘦。薄情單枕幾時溫。香車寶馬長年
謬。

南曲小令

醉羅歌

賞牡丹

牡丹牡丹初開放。佳會佳會又何妨。紅蕤綠葉散天
香。玉學扶瓊釀。無邊春色隨人玩賞。十分美景憑君

主。張休教孤負名園上。蜂蝶攘鶯燕忙。百年三萬六

千場。南宮詞記又何妨作不尋常無邊五句作描春色新詩幾行欲舒春興瑤琴一張大家沉醉名

上園

牡丹牡丹初開綻。佳節佳節好張筵。深紅淺紫盡天然。玉液金壺。催人春興。花枝謾撚。堪人春意。歌喉又轉。名園幾度能歡宴。輕輕瀉。慢慢傳。大家沉醉賞花天。

牡丹牡丹都開了。樂事樂事好須教。風光難值可憐宵。不飲花應笑。去年人醉。今年已老。今年花卸。明年又好。天時物理全難料。人如玉。酒更饒。萬花叢裏聽笙簫。

牡丹牡丹開仍卸。好酒好酒少還賒。春光無奈又將別。休到了千金節。新詩幾首。煩君和些。朱絃一曲。煩

君聽些。花前此日休輕歇。懨懨醉。細細說。任他歸去。月兒斜。

宴集

豈如豈如今宵興。沉醉沉醉又還醒。高燒銀燭轉歌聲。樂事相催併。燕姬翠黛。秦娥玉笋。越兒白紵。吳娃繡領。管絃一弄行雲定。天親具。良夜永。銀河天外任。欵橫。

好懷好懷人難共。佳興佳興有誰同。春風淡蕩瑞烟濃。玉斝金波湧。浮雲富貴。何勞掛胸。光風和暢。依然未窮。兒孫滿眼丹山鳳。翩翩舞。淺淺鍾。十分春色畫堂中。

也學也學東山客。不是不是競豪奢。今春粗勝去年些。更骨肉團圓也。緩斟低唱。誰樓漏徹。微吟謾酌。金

爐麝歇。肯教辜負千金節。醒還醉。乾又瀉。不妨終日醉也斜。

且拚且拚。今宵醉。休問休問。幾時歸。玉漏沉沉。斗杓迴。尚兀自清無寐。雪兒不至。更籌又催。檀槽杳撥。歌喉更美。前春怎比。今春味。重燒燭。再舉杯。尊前一任玉山頹。

畫眉序

同東谷小酌

秋雨野花殘。怎料今宵興未闌。望長空雲翳低壓闌。千雨淋漓。戍鼓聲咽。星隱約銀缸光燦。歡歌此際佳無限。誰知露冷風寒。

溽暑近方殘。萬縷金風報夜闌。羨瓊漿玉液。醉倚闌干。倩東君暫謝袁安。邀北海聯同王粲。歡歌此際佳。

無限誰知露冷風寒。

秋色漸摧殘。撫景無言倚畫闌。歎疎林斜月掩映闌
干。斟綠蟻醉舞蹁躑。對永夜蟾光輝燦。歡歌此際佳
無限。誰知露冷風寒。

歸去已冬殘。笑語依依任歲闌。想麟標鳳羽照我闌
干。望天涯萬水千山。重聚首柳嬌花燦。歡歌此際佳
無限。誰知露冷風寒。

山坡羊

四時行樂詞

日暖風柔時候。柳暗花明園陬。繁絃急管聲相逗。恣
意遊。紅粧翠袖酬。前春怎想今春又。爲怕春歸常帶
酒。重樓韶光不可留。枝頭桃花半已休。南宮詞紀園
陬作園圍。
雨過庭槐生綠。風驟池荷欹玉。浮瓜沉李賓朋聚。選

妙姝良辰不可虛。紅牙白雪行雲住。恰又是柳驛鶯
嬌花落餘。隨俗。郵筒滿自於明珠。誰憐蕙苙車。詞紀
隨俗

二句作三閩
空沉楚澤魚

關情白雲零露。驚心落霞孤鶩。碧天暗裏秋光度。酒
滿壺。年前興有無。黃花在眼猶堪賦。何似東籬元亮
圃。狂圖功名已自誣。江湖從今好共娛。

瓊花天邊斜度。梅花枝頭微露。圍爐對酒寒難妒。翠
袖扶。殷勤倒玉壺。年來年去空遲暮。不飲梅花也笑
吾。肴蔬槽蒲與鱸。醪酥杯空更去沽。

風入松

行樂

一聲鶯過草堂春。春色紛紛。東風又轉催花信。奈無
端春興撩人。但遣奚奴載酒。何妨紅袖陪尊。

火雲天外聳奇峯。夏景方中。槐陰小坐。微薰動荷池。
上共飲。卽筒。跣足披襟。旣好。流金爍石皆空。
碧空雲盡。火星流。萬宇皆秋。炎蒸漸遠。涼新透。心無
事正好追遊。莫吝青蚨。酒還思白髮蒙頭。
天涯霜雪際寒霄。風力初驕。圍爐也學元龍傲。恰殘
月半偃梅梢。稚子階前戲舞。玉人何處吹簫。

詠內丹鉛汞

修丹先造紫河車。方請鉛爺。鉛爺若返青娥舍。靈胎
就詎有吝嗟。十月功成行滿。三途萬劫難撻。
自家基址旣堅牢。道路何遙。乾坤各有生成竅。真誠
是生死窠巢。謹等一陽動起。那時吸盡江濤。
鉛爺闕閱在西江。性格猖狂。只因插在青龍上。氤氳
出透體金光。待取胎完氣足。抽添始見純陽。

抽添既了虎精飛。龍德方熙。長生從此歸真諦。何須
慮陵谷遷移。莫泥閨丹戰採。頑空吐納皆非。

詠外丹爐火

流珠伏火要真鉛。就裏玄玄。龜涎久煉。陽光現。纔堪
許姹女情緣。爐鼎乾坤止。此精微變轉。須傳
天機。親向手中拿。臨做還差。青娥若把金公嫁。初相
見。怎敢紛譁。溫養傳涵。久久。貌同心似。方佳。
丹成初子事。何憂嗣續。方稠。依前煉養。休差謬。經三
轉。任爾優游。到此鉛華始盡。灶頭戟底。皆候
鉛華淨盡。始孳生。立見雲仍。相生切忌。丹爐冷。生生
了。遞有功能。九子威深。永怯乾時。但取星星。

兼帶

雁兒落帶過得勝令

自適

喚青衣款款歌。扣瓦盞齊齊和。笑彭澤不會狂。羨角里真能那。不是我自張羅。歲月有幾來多。三萬日都教醉。見而今老半科。隨和淡酒兒權相賀。如何悶坑兒莫躡著。

也何須弔五陵。也不要推三命。窮通枉自勞。榮辱皆前定。誰醉又誰醒。世事總難明。工拙千年算。輸贏一轉枰。多情此曲真堪聽。冥冥前程信步行。

懷敬夫

二十年老將壇。幾百載興亡歎。途窮笑阮郎。避盜悲王粲。名利故來難。長鋏豈須彈。一曲梁州序。千秋紫閣山。金丹半碗胡麻飯。雕鞍何時載汝還。

春思

春風桃李園。夜月秋千院。鳴絲合鳳笙。舞袖籠金釧。
綠酒轉瓊筵。翠柳拂華軒。人醉青樓側。春殷錦帳
前。情牽。勝賞處。追遊遍。醺然常輸此。貰酒錢。

軟絲絲楊柳風。深杳杳桃花洞。影氤氳。寶鴨香聲冷。
冷瑤琴弄。光閃閃蕊珠宮。青綦綦萬年松。嬌滴滴
芙蓉面。砢可可錦繡叢。匆匆記不得。臨歧送。重重望
雲山一夢中。

宴集

危樓亘綵霄。畫棟開雲幕。瓊漿玉斝傳。絳蠟金荷照。
歌舞稱良宵。花萼間金貂。霧帳籠仙佩。銀箏叶鳳
簫。閑度。遇景當行樂。休教。光陰虛度了。

飲中閑詠

典春衣向酒家。道處士新乘暇。喚雙娥淺淺斟。肯數

盞輕輕罷。我本是會受用的老賢達。往常時甘趁
鬪些浪波查。今日個好景佳無限。明日個今朝再有
麼歌咱。快與我把銀箏架。從他笑先生舊病兒發。
數年前也放狂。這幾日全無況。閑中件件思。暗裏般
般量。真個是不精不細醜行藏。怪不得沒頭沒腦
受災殃。從今後花底朝朝醉。人間事事忘。剛方。篋落
了膺和滂。荒唐周全了籍與康。

小梁州帶過風入松

飲酒作

興來徙倚盼庭柯。擊壤高歌。醉時起舞影婆娑。誰相
和一榻紫雲窩。賓朋三兩常相過。喜孜孜落落陀陀。
有笑談無憂禍。名韉利鎖。爭肯被他魔。好天良夜
幾娘多。不飲如何。身逢暇日當行樂。休辜負妙舞嬌。

歌。醉裏乾坤在我。暗中檢點隨他。

人生七十古來稀。受用了便宜。爭名爭利。枉呆癡。其中味。參透了自家知。窮通榮辱。皆兒戲。勸英雄。休自著迷。五柳莊。三家市。呼朋喚友。隨意寫新詩。雖然不及少陵詞。點綴襟期。村醪社酒。終朝醉。扶持有稚子。山妻女。嫁男婚。幸了。龍爭虎鬪。那知。

百年三萬六千場。正好風光。有花有柳。有壺觴。名園上。沉醉了。又何妨。陽春白雪。花奴唱。齊拚個地久。天長。訪戴逵。尋元亮。知心兩兩。誰敢問行藏。浮名休趁世人忙。空惹周張。眼前見放。傍州樣。猶兀自。法酒肥羊。似此丹崖翠壁。何如寶券牙章。

幾年無事傍江湖。多少歡娛。花蹊藥塢。錦模糊。凝眸處。身在五陵圖。無榮無辱。無憂慮。喜西崦。村釀新菑。

瓦盜盛。椰瓢注。高歌一曲。沉醉倩人扶。
醒來依舊。是吾廬。稚子爭趨扶頭。□□溶溶注。松陰下撥阮吹竽。渭北蹉跎暮景。真成錦繡東隅。

罵玉郎感皇恩採茶歌

丁卯卽事

玉階昨夜妖星見。排正直。寵奸權。人人剝削誇劉宴。
奏文宣。阿武偃。題封禪。順水推船。揀空拋磚。假粧
么。胡捏鬼。大欺天。翻了舊典。弄出新圈。竄馮唐。囚李
廣。薦韓嫣。盡爭先。要調元。搬騰的赤眉銅馬。遍中
原。已往斯高。須未遠。方來狐鼠。要憂鷄。
平生正直存公道。翻落後。小兒曹。讒言浪語千般造。
蕙成茅。真當草。恭爲傲。任意嘵嘵。信口噉噉。子淵
愚。無鹽美。鄧通高。芟了瑞草。護起蕪苗。恨填胸。冤徹

骨事慚學。暗劃度。細評駁。多敢是天時。人事有崎嶇。玉潔冰清。終自保。虛名微利。怕提著。

四塊玉罵玉郎感皇恩採茶歌

自酌

任意行。安心坐。叱吒風雲當甚麼。青春白日休空剝。燕燕彈小小歌鶯鶯和。人生恰似秋風過。纔裊裊。早陀陀。英雄氣概何須大。杏纔舒。梅又顆。楓將落。富貴如何。貧賤由他。小蒲團。低石几。且消磨。微吟既可。長嘯當合。對青山。沿碧岸。擢滄波。趁年和。做莊活。村醪社鼓。舞婆娑。緘口藏身。煩惱少。識人多。處是非多。

南紅繡鞋兼北紅繡鞋

席上作

望園林綠暗紅稀。列杯盤翠繞珠圍。數年華似流水。
對桑榆且銜盃。不消遣枉癡迷。早覓取風流活計。
快收拾仔細心機。愛便宜終久落便宜。榮枯三徑草。
得失一枰棋。者休要厭甜桃。尋醋李。

也何須海上求仙。也無勞歷下憂天。曲隨歌酒休淺。
得意處便留篇。沉醉後任安眠。陪伴著窮酸親眷。
將息這衰蹇殘年。虎狼叢爭肯教口垂涎。淵明亭外。
柳茂叔沼中蓮。受用足快襟懷風一翦。

刺庭軒翠袖奇峯。可喉嚨碧椀金鍾。這粗豪有誰共。
觀秋水詠芙蓉。看涼月上梧桐。大纛高牙何用好。
天良夜休空興亡成敗笑談中。眼前人白顛倒。身後
事黑朦朧。鬢邊絲誰和噴。

發生涯酒袋詩囊。小窠巢淨几明窗。尋幽勝縱情況。

揀園苑恣徜徉。拌酩酊又何妨。自笑我初年無狀。
著迷向名利排場。曉風殘月爲誰忙。好光陰空偃蹇。
歪行影亂傳揚。比著那鹿中蕉還較謊。

泝東樂府卷之一